

ديوان شعر

صبا الجفارة

شعر

د. محمد سعيد القشاط



مكتبة بئر سيرة الورد

بطاقة فهرسة

حقوق الطبع محفوظة

مكتبة جزيرة الورد

اسم الكتاب : ديوان صبا الجفارة

المؤلف : د. محمد سعيد القشاط

رقم الايداع / ٢٠١٨/١٣٢٠٤

الترقيم الدولي / ٩٧٨-٩٧٧-٨٣٤-٠٥٩-٤

الطبعة الأولى ٢٠١٨



مكتبة جزيرة الورد

القاهرة : ٤ ميدان جليم خلف بنك فيصل

ش ٢٦ يوليو من ميلاد الأوبرا ت : ٠١٠٠٠٤٠٤٦ - ٢٧٨٧٧٥٧٤

الإهداء

**إلى أسرتي التي شتتها الغربية بين
الوطن وخارجة .**

**وقاسمت معي ظروف التعب
والغربة .**

**أهدي هذه القصائد التي لها فيها
نصيب .**

محمد



(١)

ريح الصبا

ههب من الشرق ريح التماسي والشمس ما بين محسن وجافي
مرسول من ناس ما هم مناسي ركايز ولاهم عمد الرفاف
والوطن كيف القواسي يقاسي ابريقه على صافات الرصافي
حرّك هواجس فجابي احساسي وفجّر من الجاش نبع القوافي
وحرّم على العين لذ النعاس ووقّظ اعيون الشموت الغوافي

شخايب في قصر دله رواسي عليهم اجبال الجواير مكافي
وهذا سبب العلل والنكاسي غبا الحوض وأهله ومن فيه سافي
انجوعه قطاير فوق القياسي نوارينها اتجيب باين وخافي
للفجر تسمع ضبيح المقاسي للمضيف مبجول واليزاد وافي
وخدماج بين الحطب والطواسي يحبي السهر من لذيد الرشافي

واقصاع بالوفر ما هي تباسي وميعاد كيف ما يكافي يكافي
 وكل بيت قدام بيته خماسي امكرسع الفوق لبياري لعكافي
 صيعان ما يرتضوا بالخساسبي اللي اكماهمم في المعارك مسافي
 بارجال لاطق طبل الحماسبي ايجو فوق متكومرات الخفافي
 يهدوا كما هد صرم الدراسبي في عام موشى من أعوام الجفاف
 هم ونسة الشيخ عند الناس ما عندهم في النوايا اخلافي
 بالفخر والعز ديمه مكاسبي بروازن العقل ديمه كوافي



ويا شيخ كيف ما انقاسوا انقاسي
 امقاساتكم جارحه في الخوافي
 انقانونا لها في متين لمراسبي
 وانمايزوا في وعور لجراف
 قريب يبهتها اطيور المحاسبي
 ايجو من بعيد البعايد لوافي
 مخالف كما حد حد لئاسبي
 مناقير ما تترك الريش وافي

والوطن ما فيه يبقى خلاص
جي من ورا البحر عاري وحافي
أما يرجعوا لوطنهم بالفلاسي
ولآ ميلاج روسهم والهوا في
وتبقى سراياتها والكراسي
لرجالها الواكده في المرافي
وعلى ليبيا يقشعوا للحلاسي
اللى جلسوا بيه قوم الشوا في
ويكسروا اقفال سور لحباسي
على ارجالها الكائفه في لكتاف
ويسايسوا برفق هوكا الطواسي
قوارير في حبس لنزال قاسي
ويا شيخ ما تدبر له منتراسي
اللى كان ملاخ سير المشافي
يرجع بميدونته ولمداسي
بلا اعرا يجي يهزلك في القفا في

وانشد على طيبين السواسي
ذبّة فرس ذيلها في المشاف
تنظاف من دانسين الدناسي
وتطفئ كما النار بعد المطافي

(٢)

جبل ابهاو

هو أحد جبال الحمادة الحمراء

هالكاف خطّر علي ابهاو	وابدور . والنازرة . والسواني
إن كان غائها المزن هالتاو	فيها امواكر ادماني
من اللوذ لاكاف كاباو	سجاجيد عجمي ايراني
تَجَبَل الياغات والفاو	اللسلس مع الحوذلاني
فيها النواوير تزهاو	قحوان داير اضحاني
في العين يزهي ويحلاو	والمعكده كركماني
ولريل مع هوك لسراو	يرتفع جلايب اطسماني
من قبل تبهير لضواو	صنير عمله يقاني
قداداد في كل لوتاو	افشغل الصياده اصياني
ويجبر امواهيم لصواو	عارف اوكار المجاني
وسقام في شور لقداو	لن في الجليبه رماني

يظل كيف نيار لسداو	يجاري على معجلاني
ويطوي الوطى طي لطواو	سدائي غزله يقاني
وهي قاصده روس لعلاو	في سرب ما من امواني
وهو وراها كما الكاو	عجاج غبرته العثلبساني
تقفز كما حر لغظاو	لا حق سريره محاني
فحلها كما فلو لفلاو	تيس قنصلي يقنناني
وين ما بقص سمح للغاو	لنهني اقرونه محاني
وجماعة الصيد يلقاو	ارقاب الجليبه مثاني
ولصحاب ما بين شواو	ونا ركابره في الكواني
وسواي للجمر شهاو	كاس كيف مرا المعاني
وشياب للغاد لهاو	يحكوا معارك الهساني
وأصوات شعار يعلاو	بحديث فعل الزماني
وعدنا بلا سولسواو	قد اوطن خيرة أوطاني
من البومبا اليا الزقزاو	للويسغ مرتاح هاني

(٣)

جواب قصر دله

إلى الشيخ الشاعر علي الخويلدي السباعي

بعث قصر دله أجواب طير نومي
ولا القوم من بعد النواتي قومي

خبر حيرني

وفوق من منازل كادره كدرني
اللى كان في الماضي مراكز برني
اليوم صار قالولي مراكز بومي
على ترك وطن الواطنين جبرني
يا يكسروا للقرن وإلا رومي
وكيفك صديق الصادقين غدرني
وكيفك قريب القاريين اخصومي
ويا شيخ باللى صار لا تنذرني

كدر الكداير بينا مقسومي

احنا رافعين الراية

وارجال كيني ساهرين اعمايا

يا نقعدوا وسط السرير هتايا

يا نرجعوا ابريات حره تومي

ولا تنشغل بالقاعدين حوايا

نزلوا منازل راخصات السوم

هالتاو بيدوا في لحبوس كبايا

كيف حبسوا خيره ارجال اللوم

والآضوالع في السرير حفايا

وما يلحقوا كسرة عقاب (اغرومي)^(١)

وكيف مارموا في الداركات ولايا

يرد السلف منهم عصيف اللومي

والشعب لاهب الشعوب بلايا

(١) اغروم: الخبز باللهجة البريرية .

يثور كيف مائير زمان اعمومي
ايجو من افجوج الفاجات حنايا
غارقات في لجة عجاج اغيومي
ويا شيخ تجدد عليك ثنايا
واضحات والدهر الدهور ابرومي

الدهر شين ابرومه
يرفع ويرمي كل يوم ويومه
والدهر خلّى في السريره غومه
غيبت ارجاله في نهار اللومي
وعادت اتصافح في السماو انجومه
رايات بخيوط الشرف مرقومي
ولا يدوم للبومه صعود البومه
ولا يدوم للخاين رفيق الرومي
وهالتاوين السوق يحمي سومه
يظله فريق الضايعين اهرومي

والدهر ما يبقى دوايم دومه
وكل يوم يصبح في جديد اعلومي
يدور الفلك يرجع نسوم نسومه
يهب نصر ويفرج على المحكومي
يفزوا الولايا يزغردوا بقدومه
وفي قصر دله يفرحوا بقدومي
ويا شيخ فزعتكم عليها اللومه
أنتم فزعة الشارق عليكم لومي
اتجوا كان هبت في أول الكمكومه
في جيش للى غاشمين غشومي
يخش السرايا في رموم رمومه
الله والنبي يا نصره المظلوم
وتجلى على الوطن العزيز اهمومه
من غات للقطرون للسلوم

(٤)

حوال بين حال وحال

حوال بين حال وحال تستدرجهم
لن ايمنه ياتي الكريم فرجهم

حوال فوق قيس القاييس
غلب غزها النيار كيف يسياس
حاست وداعاها الزمان الحاييس
سوت بالتراب العاليات درجهم
وظهرت بلا موعد اقلوب دمايس
اللى دجهم في الغافلين دلجهم
وفي وسط موج البحر مات الرايس

ولا دل شوره في الغريق همجهم

حوال حواير

دارت على الغافل بدور الداير

معداد في الماير تباع الماير

ولا عاد كيف الناتجه منهجهم

ولا فاد في اللي حاذرين حذاير

العاقلين كيف الجاهلين مرجهم

على السيل زرعوا بالدراه مطاير

ولا شك توه يحصدوا ناتجهم

حوال ارميها

وكيف ما تساعى الجافلة ساعيا

الياجت راميها الهدد تحذيا

اتهاب كيف هيب الهايين هرجهم

وتلقى ذهاب الراي منها فيها
ولا من يرد العقل في لا يحهم
خليط غلث قاصيها على دانيها
اغراد والشلوق المغربي عجبهم

حوال ارميهم
وراك ما تسافر للبعائد بيهم
غريل وكيف المندره صفيهم
ما تقد في الحال السوي تدجهم
وهم تعبوا صفوة أصحاب نبهم
منين بدعوا بالفارغات احجبهم
وهالوقت بيعيدوا كدر ماضيهم
وجابوا توامج حاميهم تاجهم^(١)

(١) التوامج : كلمة تركية تعني النوافذ الصغيرة التي تستخدم في الحصون لا إطلاق النار . وتطلق على المتاريس .

حوال فوق صبر الصابر
للهامثال في الزمان الغابر
ويعيا رزين العقل كيف يكابر
ولابان مدخلهم ولا مخرجهم
ولا طال من طال الخير الخابر
ولا جاب ما يكفي الكفي حالجهم^(١)
ولا يفيد دابر كان قطع الدابر
ميات قرن طول وعرض ما عالجههم

(١) الحالج : هو حلج القطن . أي جمعه من أزهاره .

(٥)

كيف أمس . كيف اليوم

إلى الابنة الفاضلة شهد . التي قالت لي في
مداخلتها على منشور تم نشره لم تعد أنت) .

كيف أمس كيف أول أمس كيف اليوم

كيف بعد غدوه للفخار اخترت

نصرة قليل الجهد والمظيوم

وفي كل موقف للبعيد نظرت

شامخ عنيد الراس دوم الدوم

وكم كسر للوطن العزيز جبرت

لا ننحني اليادخن المسموم

على تنشدي لرفاق وين حضرت

وعند الكريم القسم والمقسم

وللركب زادي الزاد كان سفرت
وضيفني أبيات افجرتي مكروم
ولا خنت جاري ولا الرفيق غدرت
ولا نهاب كان السوق زاد السوم
وكم من ثنايا مخطرات خطرت
كما اسهيل ما يارا رفيق انجوم
اجانح صحاري الخاليه نورث
من آطار لاداكار للخرطوم
عليها مثل العابرت عبرت
ومن عدن لاجلفار لا اكسوم
اليابا لهاس اخطارها خاطرت
ولي جفن من نوم الهنا محروم
والخوف في خلو لفجوج قبرت
ولي روح نرميها على الكمكوم
افدا الوطن بيها للكريم نذرت

ومن اسمره الياقاو فج اغيوم
لدرار كل اضعافها ناصرت
ووين وطن وطنك داهموه الروم
للتار كيف الصابرين صبرت
قريب حول هي قوم ترمي قوم
وانا جبل لا كبكب ولا وخرت
وامنين حوض الجابيه مشروم
كيف الرسول وصحبته هاجرت
ويا شهد عمك من تريس اللوم
وين ما اصغار الصاغيرين كبرت
إن كان ما جليناع العزيز اهموم
ما انقول في الميعاد درت ودرت
وكما الصقر فوق الخانعين انحوم
وصافي مغادر شربهم غترت
وسيد مايلات الخرص للمعلوم

شور الثنايا الواطيات نفرت
ومن غات للكفره اليا السلوم
لجدير حاروا معاي كيف احترت
نبي وطن حزمه حازمه محزوم
يردوا ضياع الوطن كيف خبرت

(٦)

من قصر غدو[ؐ]

من قصر غدو العين بو شبشويه
عليهم امرايف خاطري في صوبه

من القصر وين اتفوته
تلقى مشاهد معركة منعوته
ارجال نجع غالي امشيدات ابوته
من القاعدة اللزليم للراقوبه
والبيض رده الكاتره مبهوته
مارس روى ضحضاها بشبويه
وتطفح الكم الشيخ بالمشبوته

وترقب سند لبرق على علبوبه
وتبرم على بوالشول ثم امروته
اللسلس الخائق للرتم واعشوبه
افهاكي لقلت فاليه مفلوته
للعلب لعوج في قفاه اعلويه
تنجال في عثث سميح نبوته
مع لريلي الشارد غزال الجوبه

من واد سروس غادي
للعطف لقصي العين للشرادي
والبارده وزقزاو كان اتنادي
ايجوك فزعة الشارق نهار الحويه
ابادي عصاره من أخيار ابادي
اطيور نصر لاهب العجاج هبوه

يخلوا عديم الراي يمشي كادي
اللى يروز ماهم شيرته مذهبوه
وقول جاي منهم بدر في المقصاد
هابه عليهم هابتين وهوبه
كم كسروا من خشم للمرتاد
من احدودها ولُّوا عبيد النوبه
فيها شراة يرسموا ميعادي
وللهم افكار الصايه منسوبه
عليهم يهاوي القلب من لبعاد
وكل يوم ترقى لحاهم لهلوبه
يحيهم سريب الفكر فوق اوسادي
ويوجع الحال ابلادهم مشعوبه
الناتو ترك في اللى ترك متعادي
من وازن لا غات لا مرتوبه

مغافيل تتناهب على لجهادي
يستر على اللي روسها مقلوبه
ولا يصير للي رايدين مرادي
يقولوا العرب ما تلقح الممصوبه

فوت الفقير امغرب
سيدي التواني بالخراب تخرب
على ظهر سابق للبعيد اتقرب
وقدامها تبدا الوطي منهوبه
وظهرة وجيعه فوتها واشرب
تفوج بيك بعد الحسي ع المطلوبه
اديار حثر لا ريته صحيح يطرب
اشراف نسب في ذرورة انساب عروبه
ابتوق قصر في راس الشرف متغرب

فريد كيف صقر بصومعه منصوبه
عبي في شباب الثايرين ايدرب
وكان وكر للشوار دوبه دوبه
من الداخله وهي عليه اتسرب
حتى صلاله وكافها وحروبه
ومن قاو في عجم لعجام ايعرب
لنقيقمي حتى عرب شعلوبه
وكان سور للوطن العزيز امزرب
وكان للشرف وأهل الحوايج كويه
وكان بالحراب الحاربات امحرب
على من يراوز حاميات ادروبه
وسيده على اللي كاربات امكرب
من اخطار داهمها نجى باعجوبه
رزين عقل باكلال الزمان امحرب

ينزل اديار الهانعة في صوبه
من الصايه لا يحيد لا يتهرب
يدفع نهار الصايه مكسوبه
منين المضايح في الظري تطرب
ايلاقي العدو لو كان يغدي طويه
سوى اتوالف الموكر سوى تتغرب
ليام من حسابها مكتوبه

(٧)

إلى أخي عبد الحميد في الوطن

وأطلب الله أن يتعافى من وعكته الصحية
وأن يجمع الشمل قريباً .

سلامات يا عز لعزاز خبارك

قريب للخواطر يا بعيد اديارك

حالت دونك

مزازت ما كانت افطن اظنونك

لا هنت وطني ولا قدرت انهونك

مشاغيل بيك انتبعوا في اخبارك

الله من هوادف هادفات يصونك

ويرفع على اللى شامته مقدارك

الله لا يرقد يا عزيزي عونك
وتسلم وتسلم صحتك وانظارك
الله لا يروع بالمرض مضمونك
ابجاه من امنزل في الكتاب تبارك
وخوك كيف ما تعرف يدبر دونك
وكل منيته يقدّع عليك اخطارك

الله لا يغيب لي بياض اسنونك
شرهان في ليلك وطول نهارك
ولا يضيع وطنك لا الزمان يخونك
سليم صح في عز لخيار اخيارك

(٨)

داريت

درايت بعض الشي مايداره
وكل يوم في صف الصديق خساره

في غريق القارب
قداش ظهوروا من أصحاب شوارب
اللى تحسبه افركنك ابولي هارب
وبين على علو العلاوي عاره
الدنيا غروره والزمان تجارب
ولا يدوم فيها الواد في تياره
وخطفوك يا وطن العزاز مسارب
ادروب مذهبه وخلوا الطريق ايساره

غياب الرفايد والدبر في الغارب
وطول الطريق وصحبه الغداره

ياما قعدت انداري
وشرّبت للريح العصف مذارى
لا كيف جارا المسلمين اجواري
المسلم اللى مسلم يحامي جاره
وأنا جيرتي لاحفاد بوزكاري
خيان باعوا دينهم بالباره

(٩)

ليام صبيه والتمني صبيه

نجاتك من اهوم الزمان صبيه

وليام صبيه والتمني صبيه

نجاتك واهم

وديمه العوايق في طريق الفاهم

أوقات تزهي في الربيع الطاهم

وأوقات ما بين الجذب والشيه

وتخفي طموحاتك اتعيش بلاهم

وتصبر وصبرك من بعيد اتجيه

وتلقى امواهيمك بعيد جباهم

اللى قبل ما عندك اعماهم ربه
ولا الصبح صبحك لامساك مساهم
اتوانس بعيد الموح والتعزيه
غباوين من تشهى الزمان غباهم
وتبدا الخواطر في ثبات سبيه

بعيد نجاتك
على جفر مصعب اتعيش حياتك
وترجع على دار امس صار امباتك
وكل يوم تتكشف احوال عجيبه
وكان الطعainen من رفيقك جاتك
راهي طبائع من اصغار الذيه
تسلم وترمي للرفيق عباتك
وترضى الشدايد باش تستر عيه

انت سيرتك ع الواطيات نهاتك
وهو سيرته تحكى طويل سريبه
اجنب اليا كان الطريق جفاتك
وكل حد يلقي في الطريق نصبيه

٢٠١٥ / ٤ / ٢٩

(١٠)

نداء

يا أهل العقل كنتوا في البلاد	رفاعين ثقل الهازلات
رقاعين لشروك البياد	كفافين دمع الباقيات
راح الوطن واعماره رماد	وولّى مردسه للتأخيات
وسقامين لشواره ابعاد	ولّا فوق هجن امثقات
ثلث اسنين واللى راد راد	والمرحول دار آمس يبات
اخيارا ولاد نابين للحاد	تسمع كان قولة مات مات
هّبوا كيف هبّات الجهاد	وردّوا الطّافحات الطّافحات
وكفّوا اعناد من رام لعناد	وضمّوا ناسهم بعد الشتات
وما فيناش قاعد في الحيات	بعد اعزاز يلعن بو الحيات
اللى ما يبان في اسنين الشداد	امين الوطن بين واخذ وهات
ما ينعد في اعداد لعداد	ولا يرجوه يوم النايبات

(١١)

ذكريات

يا طفل ذكرتني بالشقايق في نجس رايق
وامهار تنجال كيف العنايق

يا طفل ذكرتني في وطننا وموكر اهلنا
اللى يوقفوا سد للى تعنى
اليوم كنها الناس معاد منا وقت الشرايق
مشت بين مسيق سيقه وسابق

يا طفل ذكرتني بالجفاير وضحضاح ناير
خطرت رتاع هاكي الهفاير
ايام وقت ما صار ما كان صاير ارزان الوثايق

وطفايت النار عند الحرايق

يا طفل ذكرتني بالظلايل والظُّل حايـل
 ونوَّار فيه غارقات الشَّوايل في طلع يطفئ صهيد القوايل
 وظنَّاهم درايبق وأولاد في النجع ما هم لفايق

يا طفل ذكرتني بخوت سربه يجلُّوا الكربـه
 اللى يفرجنوا الوطن لاقام حربـه
 اليوم شتتوا بين غُربه وغربه ادمـاهم دفـايق
 والحي ميسوربين الربايق

يا طفل ذكرتني ما بغيت لوهمام جيـت
 تمنيت مانك عليها حكيت
 ونسحاب روعي غلام انسيت ومـانيش طـايق
 التذكير يوجع اعزوم الرقايق

يا طفل ذكرتني بالبيوت وجملة الخسوت
وأوكار من قبل فايت الفوت
اعزاز نذكروهم غباهم الموت شـلايق شـلايق
وكانوا عمد بيتنا والطرايق

ذكرتني اوهام كانت اوهامي وبهـا غرامـي
اجراح فرقها في المكامين كامي
وجي طبها سيل جرّاف عامي ارياحـه صـفايق
اشبار شبر معاد فيها درايق

الصيعان يا طفل سلم عليهم سلام عزـلـيهم
اليوم متحزّم الوطن بيهم
على الله بالنصر والع انجيهم ونجلـي المشـايق
وينزال من وطنهم كل عايق

(١٢)

هذي براك . يا جاهل ابراك

هذي ابراك يا جاهل ابراك	وتاعب جاي من بر البعيد
إن كان اوصلتها تلقى امناك	بيت الكرم والجود الوجيد
إن غازي جيتها قلة هناك	تلقى كان تافاش الحديد
وفيها اصيلود واجمال لعراك	ان طال اليوم في العركة اتزيد
تقعد بين محروق لتناك	امقطع كيف تقطيع الثريد
ما تلقاش من يرفع نباك	لا جوال ينفع لا رصيد
ابروحك جيت لديار الهلاك	وخبرك يرفعه تل البريد
ويرسم ثم في بيتك عزاك	وامك شارقه بدمع الغريد
قزانه يقعدوا بعدك ضناك	وليفي ليك هكه ما يريد
ابراك ابراك ومزارع اشواك	بيها امطوقه نار الصهيد

ولا في دمهـم دم العبيد	بمزاريـع ما فيهم اترك
كسارين لخشوم العنيد	جلابين لهموم لدراك
وروايين للسيف الهنيـد	ردادين وافي للسلاك
ولا دبار لنجاتك يقيـد	غشيم الراي متخلط اترك
الشاطي فيه كم لبوه وصيد	اولاد الحسن بدادة ادماك
تقسي صح عل رفعان ليد	وفيه اشبال لاشبوا قداك
والمجنون ع المجر يـيد	إن كانك هبل يلقولك دواك
وتشبح كيف حصدان الحصيد	وهاك اتشوف في نار المداك
ويرخي بيك تطويل اللهيد	وما تحساب متقصف اغطاك
ومن زلاف للجفره طريد	هذي ايراك سامرها كلاك
جيشه راح في الرمله جبيـد	اميانى كان تاريخه سواك
وكان . وكان للخاين ضميد	الناتو وين يا مبعد ظراك
وخش الرمل خشان الربيد	بعت الوطن يا قلة نجاك
احرار انظاف ما همشي لميد	وهذا جيش شعب الوطن جاك

وهبوا اليوم لرياح لفلاك	وجاب امزائها عاصف شديد
حبكها حبك حباك لحباك	رسعها رسع من يرسع القيد
فتلها قتل نصّاب لشراك	زوابي دار للصيده اتصيد
ادعاء لشراف في الخيان حاك	انطحنوا كيف طحنان السميد
وروس الروس يا وطني افداك	ويرحم فيك من ميت شهيد

(١٣)

الصقر لا زال ناوي المراكيز

الصقر لا زال ناوي المراكيز
على (قته انقيص) وأوهام داره
يقيس المسافات قيس التمايز
ورامي وراشور برقه انظاره
وجي حايزه البعد شور المعازيز
اوهام دار جت في النقاضي اصغاره
ووين يشره الذود بيه المحازيز
يقطف عفي النور في أرض الجفاره
ويورد مناهل سمت بالغراغيز
على بير مشهور طایل ابحاره
ما يترك الوطن لولي المهاميز

غاروا مع من امعادي مغاره
وما فرزوا شور صايب بتفريز
بلا عرف ذهب عليهم اشواره
وللوطن خلُّوا الكدر والتناحيز
خلا وطن بالسو كثر اكداره
ايحي شنو من رأى عكز العكاكيز
اللى يحسبوا الوطن غاره وباره
وخشان في الليل بين الدهاليز
يلقوش بين الخشائش غراره
افدرخة عدوهم دناقة مقانيز
اخساره على الوطن كانوا اخساره
ونرجع على صقر تحته محافيز
الياقابل الصيد ياخذ اخياره
كما الحاق لا كان جلى الغنايز
يحي كيف دلو انقطع من اجماره

ما يهاب لُبَّاد بين المتاريز
ولا من يعينوه قوم النصاره
اللى خيلهم من اعداهم محاريز
اللى كسرهم ماترده الجباره
مهازيم يمشوا هتايا هزاهيز
تعود البرانه على كل قاره
وبالخير تملأ اغرف المغايز
والخرب كيف كان يرجع احباره
ذبة فرس يوم لز الملازيز
بعد ليل ع الوطن تبهر افجاره
يعود كيف عود الخميني لتبريز
مذ خور بالنصر والحي ياره

(١٤)

حاجة الفارس

لقت قسو يا صاحب قداك الحاجة
اليوم وقت في رد الخبر نتفاجه

لاحت قداك كريمه
للخير برّيمه ورا برّيمه
ووثّيت للمها سرج فوت القيمه
ابقمرات تحت ابدودها وهّاجه
والدّير بالفضّة عجب تكسيمه
واخدود فوق اخدودها لعاجه
وحذوات جو تحت القديم قديمه
مضمون ضامنها غلب علاجه

وقربوز بالفضة زهي تنظيمه
والبشت صافي النقش من ديباجه
قصيرة ثلاثة امقسمه تقسيمه
طويلة ثلاثة زهوة اللي هاجه
وللها صمايل من عناق الريمه
اتجيب البشاير خير للي راجه
وحافر كما الصوان في تصميمه
مدق قهوجي بالهيل في مهباجه
خلط زعفرانه فوق ثالث جيمه
وحط سفرته بعد أن غلى بكراجيه
وحجلات حفزوا فوق م التغنيمه
صوارات خادم بيدها نوباجه
وخرطوم جي نازل اتقول تيمه
للخير حين اقدومها ديباجه
لا كهيت قبله اشراع الخيمة

للشر عل شبح النظر هجاجة
سبيب معرفتها يعجب التكسيمه
جريد نشع في غابة نخيل دراجه
كما ذهبة الوزان للها قيمه
يشوف لونها ويسكر الشكماجه
كريم لصل لا شبر يعوق غريمه
ابعدّي على المتكولفه كافاجه
وهي شارحه تنجاح كيف الريمه
ولا يمسها بركاب لا كرباجه
نعام فز حس النابحات ظليمه
قطع بر غاطيه السراب امواجه
وربدات فاتوا البر وامواهمه
بعيد حضن مدحاهم على الفراجه
وهي غاية العازم على التعزيمه
لا تحطها في سوق لا حاراجه

ومبروك باللى اتقول فوت القيمة
الشاره ابكاره يهونهم وانعاجه
والقسم ياتي كان فيه قسيمه
المكتوب يكتب من بعيد افجاجة
ايدوم رعتك للخير ديمه ديمه
ولك يوم تحتاج الفرج فراجة
وراس من تعزه ما تكون حريمه
رمي فالها التقاز والبرّاجه
اللى يحوزها ما تلحقه تهريمه
وين ما تشوّر غانمه الهملاجه
وتشره مع الشرقي على تنسيمه
اتظل في الصريمه الكالحة غمّاجه
وتمرق اليانق لمسمّس غيمه
اتشق العدو الزاحف تقول عجاجه
سليمة وكايس راحله ومقيمه

لا هي رقيقه عود لا وجواجه
وخوار من وكس لو كاس سليمه
غزير ضرعها تملأ القدح فجاجة
نفاق من شراب العصر ديمه ديمه
كما عد عماني جرى في افلاجه
وخدام ما ينقص عليها قيمه
عشا.. زم من مخزن شعير اخواجه
مع سيد رازن وليد بن سقيمه
الياغار ما يتومج مع التوماجه

(١٥)

كل يوم

لا نهون شبح الوطن لا هناكم

كل يوم نتنسم نسوم نباكم

نفكر ايام زهانا

وانت على سو الزمان ظرانا

ويا عز عزى في زمان زمانا

زها خاطري اتموتوا على مبداكم

وحتى مشينا الوطن ما ينسانا

ولا ميعد الميعاد ما ينساكم

وطنك عليه امصدقين ادمانا

قريب الفرج بعد الكدر ياتاكم

وما يوجعك للخائنين اخيانا
اعروق سو من روما زمان احذاكم
وفي اقلوبناحتى بعيد جبانا
ما تنتسوا يا للى بعيد حباكم
قريب نولها يوفي على قطعانا
خمسین قمره ننسجوا مسداكم

نصبحوا وانباتوا
ما ينتسوا الحيين واللى ماتوا
كانوا رفاقة بلعزاز ايهاتوا
وميعادهم يحبي النفوس قداكم
الحاج نصر صاحب خيم طول حياتو
رحومه رفيق العمر كيف ضناكم
نصايب اقبور اقبورهم ينعاتوا
وتحلب افاهقهم على خلاكم

وزاد زاد شتتنا عصيف الناتو
ايام عسر لاصبتوا ولا صبناكم
والدهر تتقلب افلاك اوقاتوا
وخيان كانوا حاسدين هناكم
وليام كيف اللافتات الفاتو
اللى قطعوا ثابت حميل اعراكم
قريب فوق زعزاع العواصف ناتوا
ويرجع كما ترجع أيام غلاكم
وتقعد مكانات الشرف ينعاتوا
ولا يطول طول الطايلين سماكم

(١٦)

وصية إلى صديق

إِيَّاكَ تَمَنَّ الدَّهْرُ وَإِيَّاكَ	لَيَّامَ تَطْمَئِنُّ لِلَّهِ
أَتَدُورُ كَيْفَ دُورَانِ لِفَلَاحِكَ	وَتَبْرُمُ عَلَيَّ كُلَّ جَلْهَا
أَوْقَاتٍ بِالْخَيْرِ تَلْفَاكَ	غُرَاءَ وَبِيضًا حَجَلَهَا
وَأَوْقَاتٍ بِالْشَّرِّ تَبْلَاكَ	تَكْسِرُ خَوَابِي أَقْلَلَهَا
وَاصْبِرْ عَلَيَّ هَوْلَ لِدْرَاكَ	وَلَيَّامَ لَا تَرْكُنْ لَهَا
وَالدَّهْرُ عَلَّ كَيْفَ مَا جَاكَ	تَحْمَلُ غَوَاشِي أَعْلَلَهَا
أَوْقَاتٍ عَلَيَّ سَرَجَ تَلْقَاكَ	عَلَّ سَابِقَهُ أَتَشَكَّعُ لَهَا
وَأَوْقَاتٍ لَيَّامَ تَارَاكَ	عَ الْمَرْدَفَةِ فِي كَفَلَهَا
وَأَوْقَاتٍ بِالْخَيْرِ يَاتَاكَ	حَصَايِدَ الْغَيْرِ أَحْلَلَهَا
وَأَوْقَاتٍ لِقُرَابِ تَجْفَاكَ	أَمْنِيْدَكَ أَنْطَيِّرُ عَمَلَهَا
وَأَوْقَاتٍ حَافِي وَلَشَوَاكَ	رَجْلَكَ أَتَقَطِّعُ أَنْعَلَهَا

واصبر اليا نصبت عل داك	وارفع عدايل ائقلها
اتفرّح عداواك شكواك	سكر عليهم افللها
وليام بيضا وتحلاك	وعدله ومايل عدلها
واصبر لما يجيب مولاك	هو يعدّل خللها



(١٧)

إلى ابني

إلى ابني محمد خليفه . معزيا في فقد أخيه
حسن واعزي نفسي .

ما يفيد في فقد لعزیز امعزه
غير حزة اللى يلتقي في الحزه

يزيد في اجروح اوجاعك
عزیز تفقده وكسرة ريب اذراعك
امعاك يا محمد حاسين اوجاعك
قسمنا الرزیه كيف ما تترزه
ضلاع صابنا في الكتف كيف اضلاعك
وباباك من هول الزمان اززه

خبر قسو جانا راعنا ماراعك
وفز سامره وانت قريب الفزه
وقطعان صبع البندقة في أصباعك
يعور ليد يربك في نهار الكزه
الحاج قول له يخلف الله اشراعك
ويحفظ ركائز ثابتة في الهزه

(١٨)

إلى ابنتي سلمى

عمامك مع جور الزمان اصطفوا
ووين مال مالوا مع الميال وخفوا

كان امعانا

صف نفرشوله لرض كانا جانا
ومطمان هاني من قدها هنانا
اعفاف من مكامين الدناس يعفوا
وحامين لا طال النهار قفانا
ارزان ما ظنناهم اخفاف يخفوا

وين ماتبا عد في السرير جباناً
وكثر المطايا في السرير تحفوا
بيت من حماهم قلعوا بيانا
وخلوا فريق الشافيين اشفوا
وهم قبل كانوا ماليين اركاناً
يحموا ردايد جارهم ويوفوا
ولا بوجعكش الرزق ياحنانا
البيت يبيتني ونز الجراح يحفوا
الخيان لو يبدوا على الدندان
من عارهم من ناسهم يتخفوا
وسيدك اقدار العاليات مكانا
ينال قرعته يوم الطبول ايزفوا
يعزك ولا ينزل منازل هانا
بيه تفخري امنين النسا يتقفوا

لا دار في اللي دايرين عفانا
ولا له للفاني الخواطر رفوا
غير شي جانا من اقرب امانا
غريب ولّع النيران ما يطفؤوا
جرح جرح في المكنون سال امانا
كل ما نكف اجر احهم ما كفوا

فعايل شوعه
وشيطان طاغيهم مشوا في طوعه
وتخريب بيتي عندهم مبدوعة
يخلص خلاصة قبل ما يتوفوا
وداروا كسوب الحارمه مشروعه
وكم بيت شالوا لفته والتفوا
وبيان باب الحوش والمربوعه

اللى قبل بين اركانها يتغفوا
وكم ضيف متخطر طفت له جوعه
مطاريد فيها من البراد ادقوا
من الساقية الياقاو يمشوا طوعه
اليانقيمي منين القبالي نفوا
اليا اسمرا وظفار والمصووعه
الياعدن باللى يتبعوا يتكفوا
واليوم خللوا اركانها مصدوعه
للملح خانوا لا قرابة وفوا
من اعزازهم رزق الحرام طلوعه
يعوهوا عياه يفوق باللى سفوا
كيف حالة الترفاس بعد الفوعه
يظل حال من خلف الرفيق التفوا
وكيف ما التعنا طرابلس مليوعه

خُلُّوا عليها الغازين يتفُّوا

شرفها وما فوق الشرف مبيوعه

بالرخس لا قلال الديانة زفُّوا

لا تيسي زهو الزمان ارجوعه

لا بد اتدور افلاك بيه امهفُّوا

اتظل خيلهم مسيَّات قلوعه

وخيل نصرتك كيف الطيور يرفُّوا

وسيدك يعودوا زاهرت اربوعه

على كيل كاله القاصرين انوفُّوا

(١٩)

رسالة الشيخ

الشيخ دز متحير كلام محير
كيف عادته يخلي الرشاد محير

شكى من جوره
وغيت على وطن العزيز اصقوره
وهم دوم دايم رايته المنصوره
كانوا عليه احصون صور امصير
بدت في الجبل والزاوية ديورا
تُسدّي عليهم سدوها وتنيّر
وخلّت خواطر شيخنا مكسوره

لا من على اللي باكيات يدير
الحوض . والشقايق ما بقت منظوره
وأهل المطامير لكبار اتمير
وصار كل باعوره ولد باعوره
على أوهام كانوا حاميات يسير
وركز على خشم الذراع وقوره
البيدوك فوق الشاخات يطير
انفضحت سراير كامنه مستوره
وما نشرحوا يا شيخ ماك اصغير

قبل انغيسوا
ما زال من خوف الغريق انقيسوا
وعابيين باللى خان وسبايسو
بدي البرق في اخشوم لمزان يشير

ثعابين بن عيسى قريب يعيسوا
يلقى المخير فيه ما يتخير
واللى مع اللى طايسين يطيسوا
عليهم بكُلاب الضوا من زير
اينال بغيته اللى قاعدين تريسو
ووين ما نوى الشور البعيد يتير
ويرجع عمار الحوض من تدنيسو
ويا شيخ حالات الزمان اتغير
ومن خان يتقطع وريس وريسوا
ويرجع اللى يكير زمان يكير

حيرتني بكلامك
وغيرتني بذكرك أوهام أوهامك
خشف كان كيف التبن تحت اقدامك

وانت على العالي ذهب متعير
واليوم ناسي ترعته قدامك
وهو كان باير بورة المتبير
يعود الرجا ويكشف دكوك ظلامك
يتوق فجر يمحي الفاجرين امنير
وتبدا عوالي عاليات علامك
جناح نسر يخفق نصرة المتحير
ويا شيخ راهو ضامنا ما ضامك
عدو ظن عل طول الزمان امظير
جبل نعرفك بالك اترق اعزامك
وفي كل ساعة أفلاكها تتغير

(٢٠)

تذكر يا ابني

منذ ربع قرن من الزمان توفي الوالد رحمه الله . وكان شيخنا للقبيلة .
وكان محباً لأبنائه وأحفاده . وكنت كلما ذهبت إلى بدر أمر على قبره وأقرأ
عليه الفاتحة مع الوالدة رحمهما الله . ومنذ غزو الناتو ٢٠١١ لم أستطع زيارة
قبرهما أو قراءة الفاتحة عليهما فإلى ابني محمد هذه القصيدة .

دون قبر جدك يا محمد جوبه

تباعد على مكتوبنا مكتوبه

علينا غيب

شيخ القبيله بالفخار الطيب

ظافي جناحه ع القريب امهيب

عبي يسير فيها فوق من مدويه

واليوم في الجوش الصغير امكيب

عليه النصايب موحشة منصوبة

كان افخارك

من الغير حامي ترعتك واديارك

اعماه القبيلة عارفين اقدارك

وكانا تميتر يغتلي في صوبه

وصفائي في يوم الورود غتارك

وللضيف ما يختار في مكسوبه

ما طلناهم .

اقبور من اتعزوا طالبين ارضاهم

تواروا على لنظار غيبناهم

وللحاد ضمت شايلين الروبه

اجدودك ابطول الدهر ماتنساهم

اشراف لصل في ذروة اخيار عروبه

في الجوش سفو السافيات غطاهم
وغطت نصاييهم ارياح لعوبه
خمسين قمره عد ما زرناهم
وبالفاتحة خفف ثقل اذنوبه
اعزاز من انعزوا فايرات ادماهم
مع عزهم معاد فيه مثوبه
بعيدون بالترعة بعيد جباهم
لغصان حالوا بينهم والكوبه
عليه باعدوا لحقاد في متفاهم
للتصير جوا كان هب هبوبه
اصقور وكر ويعودوا على مرباهم .
على كل قنه عالية منصوبه
بعد دهر يروي الراويين ثناهم
وينظاف بيهم وطنهم وادروبه
هم يمسحوا للخاطيين خطاهم

من الناهبين يرجعوا المنهوبه
بيه يفرحوا المتغيبين نباهم
الى الوطن كانوا سور دويه دويه
اجدودك الى كنا بلاش بلاهم
جي دون منزلهم سرير بشويه
وكان دون زعزاع الشلوق ظراهم
عل الوطن من غزو المغازي صوبه
يرتد لو طال الزمان اكفاهم
ولا ليبيا من بعدهم مغصوبة

(٢١)

تحية للجنوب

هوذا المزاريع لحرار	وهوذا اجمال الغوارب
وهوذا شواهين لخطار	في العرك للهم تجارب
وهوذا الياصار ما صار	ركايز شداد الكوارب
الياطق مشدود لوسار	ايجوها شراهه طوارب
حماية السوق لابرار	احارب يخلف احارب
ونايل رمت بيه لقدار	في المعركة موش هارب
زميم ثار عل راس ثوار	على الوطن هبوا زوارب
ومغدور غدروه غدار	وغصت احلوق المشارب
ولا يريح من راح بالثار	المنجوه بوراي خارب
ما يعرف العار لا الكار	لا خالفه لا جوارب
مشوم شوم تكتيف لخيار	اخصوصن افهاكي المضارب

عليه تندموا يا جوارب	ووسم الرجاجيل بالنار
ويملوا افراغ المسارب	يجوهم على خيل جظار
وكيف خاطين الشوارب	ما بين كابر وكبار
ايظللوا اسباعي وقارب	بين السرايا ولسوار
مكروب فيها وكارب	وتصبح على الصبح لخبار
في المشرقه والمغارب	اتحيي فراسين لوعار
اليطفوا سموم العقارب	ويستاهلوا نظم لشمار
على لييا وما يحارب	جنوب وطننا جاد ما دار
ايمزق اصفوف الخوارب	هرشام بالنار كسار
اللى كسرت سد مارب	افزوعه كما سيل لحدار
منين خاننا كل عارب	وثابت نهارات لكدار
من بحر لمجاد شارب	بتاريخ للفخر سطار



(٢٢)

إلى فتاة الوطن

إلى الفتاة التي أرسلت لي رسالة من الوطن تشتكي فيها
ظروف الوطن وتشتت أسرتها . وتغيب والدها عنها دون أن تراه
مع سلامي لها ولكل من على شاكلتها في الوطن وخارجه .

بعثت رسالة دمعها يسبقها

على اللى بلا توديعها فارقها

لي تشتكي من دأها

وتروي متاعب والزمان رماها

القاصي عذرها والقريب جفاها

وين ما تغيب في الشتات افرقها

وغيب اللى بالغاليات كساها

غبي الكسو بعد الجادات اطرقها
وجي السو من قارب قريب ادماها
ولا من فزع دّير نهار شرقها
السامر اللى اديار لعزاز كلاها
حرق وطن كيفه في الكنين حرقها
بعثت اتشاكى في عوض باباها
بغت منه بيكفف ادموع شمعها
وعنده الثنايا الجادات نباها
اللى السفو بعد اوضوحها درقها
يا من امغيب من زمان غلاها
وغيب على الساحة تريس رفقها
لا تيأسي بعد الغيوم جلاها
امزان رقت فيه الرجا بارقها
نعبوا كما اللى عابيين عباها

انصفُوهُ يَصْفَى غدير طرقها
يعودوا لفحوله في سميع اذراها
وللمجزرة يمشي وسبق احققها

(٢٣)

صدور العام

يا عام من بعد لورود صدرت
وفينا عملت اللى عليه قدرت

يا عام بعد العام
كيف الخرز في سبحة الصيام
ومنك شبحنا المر في ليام
وفيك كم من غالي عزيز قبرت
والشام ما خلّيت شامه شام
افبغداد مجد امجادها كسرت
وفي طرابلس عرس الغوالي دام
ويا عامها عظم القصير جبرت

وخليتنا ننمي على لوهام
من واد خرخوري الياططرت
كانت مراتع جود للرزام
ونوارها تحت التراب طمرت
وقطعت للبيت الكبير أرمام
وقرطاسها عند الصباح كسرت

(٢٤)

لا تقلقوا

لا تقلقوا بانث اقصاص الخيل

خيل نصر كيف الفجر بعد الليل

بانث نواصي الخير

اصرعها على الحارك بلا تقصير

مش ناقصات العلف والتعذير

وفرسانها خيرة اخيار الجيل

كيف القطا وارد انطاف غدير

رماء حر في نوة اظهور اسهيل

يردوا على التدمير بالتعمير

ويحيوا خراب الوطن كيف السيل

جوا شارببات الريح

خلقهم الخالق صخر للتنطيط

كتايب ايميح النصر وين اتميح

ما هم نقاصه واجدين الحيل

وما يفكروا في النوم والتريح

قبل السرايا وساحة التهليل

جراد منتشر جوها على التصبيح

مغاليل دافعهم غليل غليل

جوا رافعات الراس

اتقول شارببات من المعاصر كاس

لا يتركوا لا حبس لا حباس

ذيونها الخايب يصر الذيل

وتظهر حراير ليبيا لابس

من السجن والتعذيب والتقتيل

ولا شعبها ينهان لا ينداس

مرتاح يشرب قهوته بالهيل

(٢٥)

جراح وطن

يا وطن جرحك غلب من سياس

عدوك بقباس

على الكبد من غير ما يروف داس

يا وطن جرحك غلب من يداوي

جي في اللجاوي

فيك طمع الدم كل ذيب عاوي

وتصريم نولك غلب من يساوي

خلاه حاس

وراويه بالصبغ دم الفراس

يا وطن جرحك سكن في الكناين

وناسه اتناين

وانساك في الحبس تبكي رهاين

اللى كان من خير معاد كاين

لفي عصر بايس

عدوك المحبّيه بين الدسايس

ما يفيد في جرح جرحك ضمايد

ودثر الوسaid

يبنى فزع من بعيد البعايد

ارجال ذكرهم في لّما عيد شايد

احماس الحماس

وهم يقلعوا جور ثقل الحلايس

ما يفيد في جرح جرحك شكاوي

ولا من يساوي
يبغى اللى لاويه في الرساوي
اتجى جاردہ من البعايد اتهاوي
اتفك الدنيايس
وتكنس اللى جارحك في الكنايس



يا جرح يبريك عقد لمراجى
ضاوي حراجہ
زميم عقد في أوائل الخيل حاجا
وهو عجاجه تعقب عجاجه
ارجاله روايس
مشاهير ما يختلوا بالطبايس



تاق حامي الوطن فكاك ثارك
وطفاي نارك

وجلاي للكدر ساعة غيارك

نهارك اللي غاب هذا نهارك

عقب المحاييس

تجلي وتجلي عليك الكبايس

(٢٦)

جبل طرميسه

اهناش من رقب قُنه جبل طرميسه وبانت اعروق الحوض وحما ريسه

رقب وتعلسى	نهار صفو والشيخ البعيد اجلى
وراه كل زيتون القرادي خلّه	قبل جورة الحفار والتسويسه
اتبان الدناجي ووادها سايله	والكاتره عملت على تحبيسه
وبان الذراع العصر كاسر ظلّه	يمينه نخل الشط في بو عيسي
وبان قصر دلّه وقصر بن عبد الله	زعم كيف بعد الجاريات تريسّه
وبان طلح متراشق اتقول اخللّه	ظلاليل للشامس من التشميسه
رابع سنى عل شبحهم بالهلّه	متقاطره مرّت اسنسن كبيسه
مكامين في الخافق كثير اعللّه	ولا دار خاطرنا عليهم نيسه

اهناش من رفع ناظوره	ودار بيه في شبح المناظر دوره
وشاف البحاير والنخل في شوره	وواد لثل بانث بورتته واكليسه
ووين مارواه السيل زاد اخضوره	الرتاع بين السعي والتقريسه
وعند العشيه السارحه محجوره	البيض والفت تغري على التونيسه
رقت على المنشار في قطروره	واصفحت تبقص بلا تدنيسه
عزيز وطن يا مغلى مراقب قوره	من قبل ما يرقص عليه ابليس



يسارك تقابل جادو	اعزاز قبل يالفكر البغيظ ابعادوا
احبال ود منهم بالفاعيل بادوا	من بيرهم ما جابت التمقيسه
ايمينك شفى بالشافين توادوا	على وطنهم ركبوا بلا تحليسه
عطوا القود هم قبل ما ينقادوا	احزام وطن ما يرضوش بتفرعيسه
الى قبل كانوا في الجهاد انشادوا	اليوم راغمين الوطن عل تطبيسه
عدو دين سلسلهم اعماء تنادوا	وهم ساعدوا بالطين والتقليسه
مقادير لعبوا بالعزاز ورادوا	رموا للذياب الجايعات فريسه

عدو ولعدا كيف الجرب يتهادوا لقي الوطن خوصه واتيهِ عل قيسه
لا كان ليام لعزاز انعادوا اتطير سكرة اللي شارين مريسه
ودار الخطورة والخطر يتفادوا ويتكسوا بالحزم والتكبيسة
ويبدوا على راس الجبل يتهادوا كيف قبل وانفوس لعزاز نفيسه

(٢٧)

تحيا ليبيا

يا حركات هوينه الفرع	وصلك ثم لا ديارك اوصول
وانت قبل ما تعرف اتكع	بالبرهان يا امسرج النول
والكبسون في ركنك ولع	ما يطيقاش عقل اللى ملول
جوك أشراف يا حامي النشع	بالصيغان تلهد طول طول
وعجيلات بوعجيله السبع	ماها بوش نيران المغول
والعربان جاتك تندفع	كيف الخيل في الساحة التحول
وهاكه قريش للغاير قشع	الله الله لرجال الفحول
والهتاك في وسع الواسع	خش الموج من خوفه عجول
فجر الحق من شرقة نصع	وهكه الدول يعقب فيه دول
واللى افحفرة اوهامه انهبع	راح وراح واشرك الشول

وَمَزْمٌ تَحْتَ كَرْعِيهَا نَبْعٌ	خَيْلُ النُّصْرِ وَاخْيَارُ الْحُلُولِ
رَأْسُ أَجْدِيرٍ لَا وَلَادُكَ رَكْعٌ	جَوْهَ الشَّقْرِ وَانْظَافٍ لِحَجُولِ
الْخَائِنِ فِيهِ عَلٌّ وَجْهَهُ انْصَفَعُ	وَطَابَتْ دِرْخْتُهُ كَيْفَ السَّبُولِ
لِيَفِي أَمْعَاهُ سِرْكَوْزِي انْصَفَعُ	وَتَحْيَا لِيَبْيَا بِالْفَعْلِ قَوْلِ



(٢٨)

انبيني على لجواش يا جواشي

انبيني على لجواش يا جواشي
اديار عز ساكن في حنايا جاشي

كيف حال آهلهم
وهاكي لعيون الجاريه ونخلهم
أوهام وين ما يذكر احذاي عللهم
يهزوا كما هز النسوم ارياشي
اعزاز في منام الليل نتخايلهم
ما ياخذوا فينا حديث الواشي
وسياتهم لاجت نتحملهم
الفاطر يوسع خاطره للحاشي

بعيد جباهم
اللى كيف قمرات الشهر مرياهم
اللى يفرحوا لا كانا جينا هم
اسراع يجبدو في اللي خفى لدباش
صابرين واحنا صابرين اعماهم
وشي طاهم في القلب دار غواشي
جرحنا اللي سيّل اجروح ادماهم
اجروح كانه في القلب ما تبراشي

ما يوظاموا
اديار عز بالحشر العزيز ايهاموا
وجيرانهم عل فعلهم يولاموا
جهر بعض منهم بالحديث الفاشي
على الدم واقرب الجوار تعاموا
وداروا مدار افعال ماتنساش

اللى ارزاقنا في حشرهم يقساموا
اتباع باك شلقم والغبي الدباشي
يجي يوم على نيرانهم نتراموا
يمشوا على سوق البلاط طشاشي
وينشف بحر فيه لكر وكه عاموا
عواهير بالمال الحرام محاشي
هالتاو يبدوا اقدامهم يتراموا
حفايا على روس الجبال طواشي
على الثار يسحابوا الطوالب ناموا
وهم للبالا المرسوم حاضر باشي

يا حبجوبي
وطنك يميته في عفاه اللوبي
عدو دين للى ثايرين امزوبي
وخلّاك واكبار الشرف متلاشي

لحرار ذوقهم نقوع الروبي
وزاد فوق من غش لغشاش اغشاشي
قريب ما يعم الدابن دبوبي
ويضوي على اللى مظلمات افلاشي
وما يفيد للى خاينين هروبي
للنار يبدوا الحشوها قشقاشي
والبانين اسوارهم بالطوبي
افجولة ضحى في النصر ما تبقاش

(٢٩)

خمسين قمره

خمسين قمره بالعدد والعهده

والوطن في شدة وراها شدة



خمسين عديناهم

ولحرار مجبور الكدر جلاهم

على وطنهم ولّى بعيد جباهم

(لو يقعدوا ستين حول ومده)

ولا يسكنوا والخائنين معاهم

باب ينفتح من شورهم بالسده

لن يسمع السامع حديث نباهم

نهار فيه للغياب شور مرده

اللى طال في طول الزمان عماهم
ايظل يحرثوا المرجع بغير مرده

خشوا الصحارى تاهوا
على الوطن وقت المواطنين تاهوا
قاسيين طول الوقت ما يتاهوا
ويرتبوا اقدمك نهار الردّه
منين المنابي بالخيابة عاهوا
عدو الدين داير من ضناهم سده

(٣٠)

رسالة مع فرق القمل

من غير تحكير	درز فرق قبل التباهير
عند الضحى يوصل لها	وارد اعيون لـمـا زير
الهاكي لما كير	يشرب ويرتاح ويطير
ويحوم شرقي عتلهـا	يمسّي على بدر بالخير
اسـمـاح المنـاقير	وينزل امراح المغاتير
عصيف بلهاجه فحلها	اتقول صابغه بصبغة القير
كيف المزامير	اتقول قوس يوم المخاطر
منـا بـعـيـده اقبلها	هديره رطين التكارير
بياض جير في جير	والوضح سمح التحاكير
اللى سيدها خلف لها	رقص حشوها افحقفه البير
لسلس وغريـر	راضت افنور النواوير

مخلبص بناير نفلها	وقحوان زين التصاوير
يوم المخاطير	فحلها وقف وقفة المير
وافر متكّم عملها	قدام عسكر طوابير
لهجوم ونفير	يا مر بضرب الطنابير
للهام الميادين للها	انجي كيف سيل المحادير
اتشد المعابير	اتجلى هموم المكادير
اليا المومبا وما قبلها	من غات للتاج لا جدير
جوها اقاتير	دبكها زيف البنادير
مدريه منعطلها	تسخن وتنحط واتطير
شور المخاطير	وتزدوم ازدوم المقادير
فاظ الجواجي غلها	لا تهاب حذر المحاذير
بغزر الجنازير	طوابير تقفي طوابير
رمي السيل فيها نقلها	يخلّوا الوطي حرث تقيمير
ارجال المشاهير	وقوم الجنوب المخاير
لا زرزح الطبل لهما	ع الوطن يمشوا مجامير
(ومجّي) محادير	يجوا من الرصيفه محاسير

الساحل يلاقي جبلها	زليطن بلا غير تقصير
كيف المناشير	ولشراف ياتوا مغاوير
اللى بالنكاس فعلها	يقصوا اعروق الخنازير
قبل التباكير	الملقى نخل التواجير
جلها اتناوب افجلها	غبابير تقفي غباير
سوامر زماهير	نيران كيف الطوافير
حصاصيد تربط احللها	ايخلوا القواعد هناشير
ولبس المقاصير	وتنداس حكر الحواكير
اعللها انسقم اعللها	ولا في المواناه من خير
عل كل زنقير	اتزغرد امات العجاير
من جرف هاري نسلها	شارك نهار التحارير



اسماح التصاوير	ونرجع قدا الوضع تحكير
سريب جابني عل جملها	هي غاية النفس لا غير
بين الضماير	وخطّر علىّ خباير
بعد خبو فكري شعلها	شبت اشبوب المجامير

على البيض جبت التفاسير	نبغي التخابير
على فرقها والمعايير	والتاليه من اخللها
وبها الكواتر معامير	شوايل مع الظير
وهاكي السوافل منابير	بعد مزن مارس غسلها
ويا فرق ترجع على خير	من غير تغيير
الله يحفظك من مشارير	صاييد جاهز عملها
مطايير يرموا المطايير	ديمه مقاطير
وين خرب داير دواوير	ينال مفخرة من قتلها



(٣١)

(.... فرق القملا ...)

يا فرق تخفق وعجلان ريع
تراغث وزارم امطاوع خبيره
قاصد قدي الشرق ناوي المنابع
في اعيون . برقن . وقطه . وقيره
انوصيك بلغ اجواب المواضيع
اللى افخاطري دهر كيف العجيره
وهي كامنه كيف وكر الجرايع
تنبك لابلك من غير شيره
بين الغرف والغرف والمرايع
تناهيد تنهد هدان صيره
كان جيت للخوت قوم المزاريع

غلا الشارقة والمنادي النذيره
يلموا لموم الرجال الملايح
كيف النحل يهتلج في قفيره
من ظلم ظلام يمشوا ملاذيع
يهيفوا كما دلو من جم بيره
بحساونه للطواشم مراسيع
لا زرزح الطبل طالب نفيره
توارق احماة الحمى والمراريع
ومشيش لشراف لا حد غيره
نبوهم مع الفجرياتوا مساريع
لتحرير دار السرايا الكبيرة
بصيود عل ظهر خيل المقازيع
وسروز في الشمس ترهج بهيره
يفكوا من الحبس حبس المصاريع
ولد السنوسي وغيره . وغيره

ايخلوا ابواب القفايل مشاريع
وتفراج عل ضايقين الحضيره
ويكففوا للعيون المداميع
ويجففوا حزن فاقد صغيره
ويروق بالنصر عقل المخاليع
اللى شملهم راح عل كل شيره
ويحموا احمى الوطن دور الترايع
ويوقف على كل عالى قميره
وتخفق الرايات سمح المطاليع
اتناغى لريح الجنوب النصيرة
وهكه الفرج من منيع التمانيع
يخش لفو ما بين مسدى ونيره
ويا فرق ترتاح تبدوا مناقيع
في كل ضحضاح صافي غديره

(٣٢)

قاتل الله الخيانة

منين المحزمة ينطح حلقتها	يخون الله من خان الرفيق
والصرهاد للخضرا حرقها	ووين تضيق بمنازل الضيق
يخلى القافلة تصعب اطرقها	يبس لرض ويبس الريق
امين يطيح في عينك عرقها	اللى يخليك في نصف الطريق
قيل الشمس بتغيب شفقتها	حاذر رففته قبل الغريق
ارميه ارميه . واجعلته غلقها	اليغى حالته دون الفريق
والمغطيه يرفع طبقها	الدهر فسيق والهامول سيق

(٣٣)

إلى الأستاذ ضو

إلى الأستاذ ضو زامونه الذي أرسل لي
يذكرني ببناء قرية بدر عام ١٩٦٧ .

يا ضو كبرت بدر كيف كبرنا
وكيف ما غدرها البوبيز غدرنا

كانت أبيوت وحيدة
من الحبل لا ترعة أولاد شهيده
وتطفح إليها حد النخل وجريده
وللكاف تحت الكاف كان حدنا
وهاكي البحائر زرع بمحاصيده
شهير بين من ندر قوي نادرنا

بعيدين عللى رايدين مكيدہ
عصّيين صاحب لمرما يجبرنا
ودرنا كما داروا العرب تحشيدہ
اديار بني كيف البانيين نشرنا
وولّت مدينة في لبساط مشيدہ
نور نورها في الحالکات بهرنا
وفيها مدارس للعلوم فريدہ
جوامع مشيدہ ربنا قدرنا
اتّدرس زوايا الحفظ وتراديدہ
لا قصّروا الحقاظ لا قصّرنّا
وها هي على اللى رايزين عنيدہ
لا يحقرونا ولا الزمان حقّرنا
منين حشّدوا قوم الکفر تهويدہ
ورايم اعمانا بالعيون نفرنا

وخيّان داروا هيزعه وجبيده

على تركها يا بو حكيم جبرنا

وشعلوا على اديار لعزاز وقيده

وظائنا بعد الغيار اغبرنا

وما يحسبوا في اجيال نوف جديده

سدود نار تتوارث اخطار خطرنا

اتجى كيف سيل المنحدر عريده

الياكان حثر المفترى ناورنا

انجوا طابئين الشاعلة وصهيده

سامور نار المعركة سامرنا

وشياب في حرب لحروب قليده

ويا ويل يوم الدعك من صادرنا

مجبور يتقطّع وريد وريده

وكل من يشك بناظره ينظرنا

ويا ضو ننيكم على الموفيه
عصاره على جسر الجدود عبرنا
وبحسب اللي باغي الحساب فيه
ما يدج لا يدجج قطير قطرنا

(٣٤)

أوهام...

أوهام خاطره وأوهام دوب ايهسوا

وأوهام تحت الحانيات يلسوا

أوهام بداره

وين يخطر وا يخلوا لعيون سهاره

وتحت الحنايا وحشهم يداره

وين ما يحركها النسوم يرسوا

الياهجع الهاجع يديروا غاره

جايرات لشغاف لقلوب يمسوا

اعصاف يحرقوا لزهو الربيع خضاره

كما لهو ث النايير قبالي وسو

ولحلام غابوا . وغابت القذارة
الياصبحوا معادش يتمسوا
ولا شيخ قاعد مشيخه في داره
الخاطر عليه الخاطرين يعسّوا
ولا حثر بعد الحثر بقصت ناره
عجب كيف عل شط الوقيد يقسّوا
غابت على دبارها الدّباره
أبايق إن جيت اتدس ما يندسوا
بنا البل تتهادر بلا هداره
وتمشي لفحوله في العقاب ينسّوا

اوهام خاطرات جديده
اتجي كيف سيل الحادره عريده
اتحول بين بينك والمراد اتريده
وكل يوم بالثوب الجديد يكسّوا

بيات خاطرك جايب افكار بعيده
على أفكار في الماضي القريب يقسّوا
وكل يوم تجريده ورا تجريده
تجاريده بيها الجارده ما مسوا
ودار العدو في كل شور قعيده
شواشيد لا شافوا النجاح يبسّوا
ميال يعدله اللي ما عليهش كيده
ابروق لمل لا وجاع الوجيع يجسّوا

(٣٥)

يخشى الفرج

ما بين رمش العين والتحكيره
يخشى الفرج بين السدي والنيره

ما بين رمش الرامش
وتحكيره يضوي لهامش اللامش
يوسّع على الهامش هماش الهامش
يتبدل ضياق الضيقات بغيره
ويغني لمطمّش عل طماش الطامش
ويصبح يحرك والزمان نصيره
والدهر بأمر - القدر ما يلتامش
القادر إلی امقدر قداير خيريه

الفرجات موش بعيده
ما بين شوف العين والتهميده
تفراج م اللي ما عليهش كيده
وتصبح أيام الصاعبات قصيره
ابنادم اليا كان الكريم يريده
من جور جور الجايرات يحيره
اشوار شيرته مطارحات عديده
عجولات للغافل - على التبكيره

لا يشغلك تصريفه
زمان ما تظنه يشتغل عل كيفه
وليام كيف القاصفات قصيفه
سريعات بين الرقي والتحديره
أوقات يعجلوا عودك على تجفيفه
واوقات يابسهم يفز نثيره

ينور بنوار العفي في صيفه

يحييه مزن يتفاهق نظيف غديره

ما تدير منها دابر

الدنيا غروره كيف خيل الغاير

لا تقول هذا موش مور الهاير

ولا تقول مادرت انذار نذيره

أوقات تجبر الجابر بغير جباير

وأوقات ما تنفع معاه جبيره

يحل حال بين الحافة والناير

يدير دير بيدك ما قدرت اتديره

(٣٦)

الذئب

إلى الذئب الذي وجدته في حديقة
الحيوانات بعد أن كان حرًا طليقًا في الصحراء .

يا ذيب شدوك شدوك	ما في الليالي عقيده
وليام يا ذيب خانوك	افوسع الصحاري العنيدة
نصبوا الشراريك ورموك	في قفص عالي حديده
ولصحاب للسو خلوك	وما هي عليهم جديده
اللى قبل بالفم يفدوك	ما يجوك من غير قيده
تعوى سراريع ياتوك	مشوا كيف نار الحصيده
يا ذيب لشرار هانوك	الحر من يهونه مكيد
بين الشبابيك حطوك	وحبّاس تاكل امينده
ويتمتعوا بيك داروك	ميّت احذاهم جبيده

ومعاد في الفج ناروك	الراعي امقطع رديده
وترقب القورات هاذوك	اتغير ما عليكش مكيدده
اطامنت في دهر مشكوك	ومن ما منك جاك كيدده
قتل جبل بالسو محبوك	مغفول شدك قنيده
ويا ذيب عدواك دالوك	مشيت كيف عود الوقيدده
الحقنا مناشيب وجعوك	ويا مبعده اللي تريده
نصبوا لنا افخاخ واشبوك	اللي ما عليهم نقيده
وداروا لنا نصب مسبوك	في النار طايب حديدده
عربان . والروم . واتروك	ضميده اتساند ضميده
ولا خوك دير على بوك	لا غايره لا قعيده
ما يوجعك حال واحلوك	وصبت اماجع عديده
وليام لا كان لحقوك	وغاس الكتب في الرفيده
وسيورها اتدور لفلوك	الحبّاس يصيح افقيده
وكيس المظاليم مشروك	الله ما يفرط عبيده

وسبور يا ذيب نلقوك	حر في الفجوج البعيده
تنجال ما بين شكشوك	والبارده والسميده
ومن شر لشرار نحموك	كيف الحمامة الفريده
واياك يا ذيب يغروك	ابصيده الهاهي مصيده
يا ذيب تسمع وانا خوك	قصيده تعقب قصيده



(٣٧)

رسالة إلى الوطن

وطنك خاب يا بيض الشعاف	وناسه صار مكثرهم اخياب
والزفراف قبل الصيف صاف	والقمحوان من جور لجداب
والقمرور بيه الريح زاف	وصار اخضاب مرباعك اتراب
سنين اقصاص تتقاطر اقصاص	عليها غاب مبحول السحاب
تراجى فيه واطرائف ارياف	امراجي القفل وامطول اغياب
امزانه اتوق تدفد ادفاف	غر اتقول صفحات لكتاب
فيها ابروق تتخافق اخفاف	اتقول اصغار تلعب بالشهاب
عقب الليل مداكم انشاف	وثاني غم عل روس الشعاب
وسيله دار في العالي اجراف	ومنه السدر فوق الروس غاب
وسوى الواطيه بعلو لشراف	الله الله من غزر الشراب
يغيث الوطن متخالف اخلاف	يزهي العين منشور لعشاب

ويبدأ حاف متقفية حاف	بيوت العز تشابك اطناب
لباسين لفخار لملاف	وردادين من شور الزهاب
وروامين من رام لعيف	وطيابين من عاف الطياب
يعودوا ارفاف من كانوا ارفاف	ويبقوا اطناب من كانوا اطناب
ويزهى وطن بيه السوطاف	ويمخض شكوته بعد الرواب
يكف عليه منزوف الرعاف	ويرفع صحته ويبقى شباب
يعود لمركزه بعد لهياف	ويعمر موكره بعد الخراب
ويبقى الكاف للروازكاف	وللمغرور يجلى السراب
ويجلي فيه ردان السلاف	اتعود اذئاب من كانت اذئاب



(٣٨)

الجافي

عطى بالقفا من كان وجهه لنا

وما كدره دير الشوافي فينا

يا سبحانه

بلاه مانعيشوا وكيف عاش بلانا

اللى كان مشكاة الطريق اعمانا

اليوم وحدنا افهاكي الديار كيينا

عجب كيف سبوب الحياة يحفانا

وكيف يقطعه جبل النواصل بينا

شى جفّاهم

الى القلب طول العمر ما ينساهم

احنى ما قدرنا عايشين بلاهم

ولو يعرفوا قداس صاير فينا

غلاهم الى قاعد يزيد غلاهم

واحنا من إدراك الزمان اقسينا

(٣٩)

(عيد بأية حال)

لفكار ليلة عيد هاظ بحرها

ورق عزمها ماهناش من صبرها

هاظ امواجه

ورقى على موج العجاج عجابه

من سوق طاح الوطن في حاراجه

وطاحت ارجاله والعدو دمرها

تعوّص ولا قد الطبيب اعلاجه

وجي الغدر من لي اتظن ما يغدرها

تركب عليها مزن سود ابراجه

عصف عصف ما صبت عليه مطرها

عيد كسايد

كل يوم ماشي في الدكوك ابزايد

ولحباب وديار لعزاز بعايد

جو وين شمس الغاربه محدرها

وما فاد في الشدة لعزوم شدايد

وذبلت اللي متحول له موكره

وفقدت بلا مورب ارجال وكايد

وغابت افليل السارين قمرها

جار وجاها

منين العواني خربوا مسداها

اللى يرتعوا كانوا قصيل عفاها

من الجهل خلوا من السقف قاطرها

شوامخ خذول الخاذلين غباها
يشف العدو الياشافها منشرها
واوكار ما جاب الرفيق نباها
بدي وكر بوم النايحة موكرها

عيد كداير

تمشي كدايا الناس م اللي صاير
رقى فوق علو العاليين الباير
ومن كان رايم عزها نافرها
ولا عيد يطرب من زمان قهاير
دراه كبد شرهات لعزاز غمرها
زمان دار بالمديار دور الداير
ولا من مطاوع للنذير نذرها

شين عياده

هالوقت لاراده على اللى راده
ولا قدر ليلة قدر في معتاده
ولا محضرة بعقأها تحضرها
وكل بيت من لقهار فيه معاده
عدو لنصلي من لربعه كسرهما
وحشد مع اللى خايبين احشاده
وطاحت قعد للشامتين مكرها

(٤٠)

(يا خيل الله اركبي)

تاقت اقصاص الخيل للى يراجوا
ولنصار ضجوا والمكاره راجوا

خيل انصارك
يا وطن ضد الهادمين اقدارك
كما امزان فيها ارجودها تتعارك
اترد للطريق اللى عليه اعواجوا
بفرسان لا يام الدراك دوارك
بالنصر للى قاعدين يفاجوا
ولو طال تخليصك قريب نهارك
انصارك عوادي لها لنهار احتاجوا

بعد طاح في الغبرة رقد غدارك
ودوح حُصَّنه اللي فيه جملة ماجوا
دعي شر من جده قعد في اصدارك
اكباش بعد ما دار الحديد انعاجوا

تكسر دوحه
اللي خش لديار الهلاك بروحه
غشيم راى ضحكوله كوا غط لوحه
عضاريط ما بين العلوج اعلاجوا
وضحكوا على اللي روسهم مرموحه
جهال خنجوا افكارهم واخذاجو
وفي الكف كسر اخشومهم مشبوحه
حُلاج من بعد الحلاك احلاجوا
ودبيرهم شيخ الدباير شوحه
بدو كيف زغلان الغدير ايلاجوا

افحر القوايل جففوه اربو حه
وغطاه بالسافي زفوف عجاجو
وكنسوه كنس الكنس بالفروحه
ولنصار فيها يهدموا ويهاجو

٢٠١٧/٦ /١٢

(٤١)

الصقر المهاجر....

لا العيد عيده لا المكان مكانه
هالصقر لي كان الزمان زمانه

لا العيد عيد بناسه
ولا حشر ظاهر في جديد لباسه
ولا عرس لا باصور لا عراسه
ولا كوت يمزغ في حديد اعنانه
ولا سعي لا تقريس لا قراسه
على كل كدوه يرقصوا جديانه
ولا فحل يغلي بالرغاوي راسه
ولا ذود في اللسلس غفت حيرانه

ولا وطن مصعب على الدواسه
في كل جوبه اتقايلك نيرانه
ولا يختله بصاص لا بلاسه
صعييه على اللي قايسين اركانه
والصقر هللى في لفجوج محاسه
دامي المخالب يغشموا جناحانه
خلى المراكز للعدو من ياسه
وغاب في الزروقة غيبوه امزانه
ومن واد درعه إلى نخل بمياسه
يحوم في أوكاره وترعته موصانه
وكانت بلاده للرياس رياسه
من غات لا طبرق اليا ربيانه
اليوم طاح من سوق الرباع اقواسه
وولت مزارات الجبل غيرانه
وكم قحف ولى تاج رافع راسه

وكم هفك يتهوفك على جيرانه
اللى كان في الماضي القريب كناسه
يزيد بالخيانة كل يوم عفانه
اللى باع عرضه والشرف بالطاسه
بلادين معادش اعماه ديانه
اللى كان ينفذ بالتلول امداسه
برزق الخليقة كرشته مليانه
اتجيههم من الغرب البعيد سياسه
وسور السرايا كسروا بيبانه
وخلوا حدائق ليبيا كباسه
ووين قصر عالي هدموا سيسانه
بلا عروق ظهر ولك كما الترفاسه
والا كما الفقاع في فداناه
اجرا كلب ولوا للعدو عساسه
ليه ينبحوا ويقلدوا نبحانه

وحط فوق ظهر الخانعين احلاسه
بحبل الشكيمه يطاوعوا سوقانه
وهاظ الكدر للنفس فوق اقياسه
بخلي لعقول العامرات حزانه
مرار من مرار الغير طافح كاسه
غصبا على البر البعيد رمانه
الغالي علينا متمسي مجلاسه
والصقر يرجب على ركوز اقتانه
يحوم كيف حومان الجمل في ادراسه
ويرجع امكوسد خايبات اظنانه
ما دام عنده ما ضبح ترباسه
صاعب عليه الحق في تبيانه
وواجب عليه اعيادهم تناسي
لن عيد عيده يemor في صنعانه

(٤٢)

حام الصقر فوق النيل حام

حام الصقر فوق النيل حام
وخطروا اليوم هاذوكه لو هام

دار الصقر فوق النيل دار
وخطروا زغب خلاهم اصغار
تجيهم شمسنا وقت الصفار
وخرّب وكرهم جيش الروام
ولا مركزا قاعد في الديار
وعشش فيه بيدوك الحمام
اخشوم العز شوها لحبار

ان كانك شفتها ترق لعزام

حام الصقر دار الشوق بيه

خشوم اللوذ والموكر يحيه

والمنقار لا ركز عليه

بيان الوطو كاسيه الغمام

غربي الحوض يتهافي نصيه

اقرع الصدر باللسلس اجمام

والقحوان نواره عفيه

عز الشايمه وساق النعام

حام الصقر مدورس يحوم

وهسوا الزغب في المدحي اليوم

وكم ما بين وكره من اغيوم

وكم من قور في الصحراء علام

ايذله كان من يخبر نجوم
يمينه الجدي ثابت في الظلام
ووين سهيل يتبين يقوم
المرزم يعمده يديره ايام



حام الصقر وكره اليوم هس
وشوقه لولى عاود نكس
بعد اسنين في الغربه غطس
بعد أن فز من وكره انظام
ما يرضاش مركزاز الدنس
وفوق غبار ما يرضى المنام
يبغى اقننن في الموكار بس
ابرقها كيف تمثال الرخام



حام الصقر يشبح في الرقاق

من السلوم غادي كيف تاق
سرايه يلوح يتبارق ازراق
ووين ابعاد للناظر ادهام
يخفق فيه ضحضاح البراق
اجباله كيف منصوب لخيام
قطعه آمر من مر لفراق
وكم من روس خلاها رمام

حام الصقر وتفكر اوكاره
وهسسوا قنن في وسط الجفاره
تعلّى تبان له سيوه ايساره
والجغبوب بانث في الدهام
السودا قابلت هاكي اخياره
وين الريم في جلايب اريام
الجفرة فاتها قاصد ادياره

فات شميخ جمام المقام
وبان الكاف متعلي مداره
حفاف زرق زينها ارجام
ثم ارتاح من قاره القاره
صوفي طاح في الحضرة وهام
حنى كيف ما حنى اظفاره
وفارق كيف ما يبغي الغام

(٤٣)

لومك أوصل الخوت با بغدادي

أرسل البغدادي المحمودي من سجنه قصيدة يلوم فيها على
قبيلة النوائل لعدم اهتمامهم بسجنه، فإليه هذا الرد:

لومك أوصل الخوت با بغدادي
ولا تشتكي بالضعف للي عادي

مش ع النوايل بس
لومك على اللي كل حر يحس
ولا يوجعك كان الزمان عكس
يدور الفلك وتعود للمعتاد
وخوتك سهاره فكل باب تعس
يراجوا مساق الشور كيف يقادي
راهم اقرب امبيتين الحس

يجوك فجر كيف السيل من لبعادي
وباعوك للخاين جماعة كس
اللى دونهم قورات سيدي مادي
خيانة قريب الدار ما تندس
ويبقى على طول الزمان امعادي
في وين ما تنسى عليك اتبس
وكم سهرتني من لذيذ ارقادي
ودلوا الطميمة في لبلاد مقس
فارغ ظهر مابل للوراد
واللى على ضو لبلاد طمس
قريب ينقشع يجلى ظلام ابلادي

لومك علينا حق
وتفكر ارفاكك وين ما تحتق
احنا ما تركناكم نهار وهق

وجونا النصارى بغزيهم جرادي
الناثو علينا للستار فتق
وكتح علينا الغيم والصرهادي
وخيان منا في الصفوف اتشق
خانوا . وهانوا الوطن للقدفادي
ومسهارهم بين الكتاف اندق
ونسجوننا بالخايبات مسادي
اللى كنت تسحابه قريب نشق
تلقاه في صف لكلاّب امعادي
وحمل السوايات لكبار وسق
اكلاّب ينهشوا في الوطن نهش امعادي
اللى ما بكى يا بوقرين شمع
وخيان خانونا رقوا بالبادي
ما كنت نسحابه ضناك يعق
عقوق وطن ما وصى عليه الهادي

وهالتا و ضبحان الزناد يلق
اتجيكم عرايا الروس عل لجهادي

احنا ما نسينا غايب
ولا نطاوعوا راي الكريه الخايب
اقفال دونكم لا كان ناب النايب
يتكسروا بضرب التقييل الصادي
وتكدير كم فينا نشب بنشايب
ولحرار فوق من الكساد كسادي
والوطن يمحض في المخيض الرايب
قريب نارهم تصبح عقاب ارماذ
ورفقاك بلغهم سلام حبايب
لهم بُعد شبح الشبح ما هو عادي
من قبل نعرفهم اسياد نكايب
انصار وطن لا نادي عليه امنادي

ولا تتركوا الوطن العزيز نهيب
وفي السوق للى خاينين مزادي
دايرين لا كفان الجهاد عصايب
وتخلصيكم يابو قرين مرادي
وعل كدركم راهي لعيون ربايب
وما ناسيين اعزاز عندك غادي

(٤٤)

(كيف يصير الخاطر)

كيف يصير الخاطر يهون فراقه
ذود كان يكسي الكاترات براقه

تـرك مطرا حـه
الفیه یلعبوا الحشيان في المرواحه
اخلى كيف وطنه من العمار مراحه
اشرق كيف ناسه الطيبين شراقه
وخلی فریق الكارهين فراحه
ذود سيدها الغايب زمانه عاقه
ولعاد ليـه يطبنوا سراحه
ولا ظيفهم يشرب حليب نقاقه

قد ابيت في الحقفه كبير اسناحه
فيه طالبين المصلحه تتلاقه



كفف يهوننه
ذود كان يضرب من وراه ودونه
وكان كل محتاج الزمان يعونه
وكان كنز في الصندوق والشقاقه
وكان وين ما يرمى السحاب زبونه
رُواد يمشوا سابقه بنداقيه
من واد هسهس والكرب واسحونه
للنازره ولوذ الفحل والناقه
فيه يقنصوا هللي كبير اقرونه
اتجي ادماه من راس الجبل دفاقه
ما بين وذنه وقفدته وعيونه
اتجيه ماكنه كانا بقص الحاقه

أيام ما تعادو في وسيع الجونه
مالاه يا جيرة ارقيق ساقه
ضحاضيح من ريم الفلا مسكونه
يجفل جلايب كان واغش تاقه

ومن واد مللن كل واد بلونه
لام الرواحل ماليات رقاقه
وللرممل لا زان الريع افنونه
يجيب قلقلانه للنسوم انشاقه
ونوار بيه النابتة مزيونه
الحيران فيه ملوحات دراقه
جميل لونها كيف الودع في لونه
فيد لمساول يطرحه بحذاقه
وتبرم اماته راتعه محيونه
منين حشوها بسي الحليب صنافه

ويرزم فحلها في قوى غليونه
يلسم لعشار الطارفه بحماقه
وهي تشالي عاقله مزبونه
عساكر اتحيي في جديد انطاقه
كما القوس متعنصر غليظ اتفونه
تضياق لاشاف الغريم اخلاقه
رغاويه كيف الشاش من صابونه
ومن قفدته نازل اصباغ اعراقه
وذروه كما عرصه ابتنت من كونه
تعوريج جحفه بنوبه الصفاقه
تسمع زريكه اتقول بالمقرونه
وعازف طريق البل جاب مسافه
ايام كدر عل فرقاتها لزونه
و حال حالها ويوم الهنا مالاقه

فلك وطنها ما هب راكد عونه
وولت عليه الواسعة مضياقة
وتوجع سرايا طرابلس قزونه
لا زرع لا حصاد لا نفاقه
انسينا غلاها ولعزاز نسونا
ولشراف فيها عايشين دناقه
وليام عل اللي تكرهوا لزونه
بدي الحلو حنظل في مرار مذاقه
الهاينين خطفتهم طريق الهونا
ولا رافقونا في الطريق رفاقه
العاقل يكن الكدر في مكنونه
ويشرب مرار الحزن في برداقه
ودر الشوايل ينكفي ماعونه
وشي ترغبه تنسى سريب مسافه

ما دام وطنك مندفع عربونه
وظنك وحال الوطن ما يتلاقه
تهونه اللي غالي عليك تصونه
وتصبر على اللي تشتيه افراقه

الفهرس

الإهداء	٣
ريح الصبا	٥
جبل ابهاو	٩
جواب قصر دله	١١
حوال بين حال وحال	١٥
كيف أمس . كيف اليوم	١٩
من قصر غدو	٢٣
إلى أخي عبد الحميد في الوطن	٢٩
داريت	٣١
ليام صبيه والتمني صبيه	٣٣
نداء	٣٦

- ذكریات ٣٧
- هذي براك . يا جاهل ابراك ٤٠
- الصقر لا زال ناوي المراكيز..... ٤٣
- حاجة الفارس ٤٦
- كل يوم ٥١
- وصية إلى صديق ٥٤
- إلى ابني ٥٦
- إلى ابنتي سلمى..... ٥٨
- رسالة الشيخ..... ٦٣
- تذكر يا ابني..... ٦٧
- تحية للجنوب ٧١
- إلى فتاة الوطن..... ٧٣
- صدور العام ٧٦

- ٧٨ لا تقلقوا
- ٨١ جراح وطن
- ٨٥ جبل طرميسه
- ٨٨ تحيا ليبيا
- ٩٠ انبيني على لجواش يا جواشي
- ٩٤ خمسين قمره
- ٩٦ رسالة مع فرق القطا
- ١٠٠ (.... فرق القطا ...)
- ١٠٣ قاتل الله الخيانه
- ١٠٤ إلى الأستاذ ضو
- ١٠٨ أوهام
- ١١١ يخش الفرج
- ١١٤ الذئب

- رسالة إلى الوطن ١١٧
- الجافي ١١٩
- (عيد بأية حال) ١٢١
- (يا خيل الله اركبي) ١٢٥
- الصقر المهاجر ١٢٨
- حام الصقر فوق النيل حام ١٣٢
- لومك أوصل الخوت با بغدادي ١٣٧
- (كيف يصبر الخاطر) ١٤٢
- الفهرس ١٤٩

